

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

102 Ўзбекистон Республикаси Президентининг айрим қонун ҳужжатларига ўзгартиш ва қўшимчалар киритиш, шунингдек баъзиларини ўз кучини йўқотган деб ҳисоблаш тўғрисида

Давлат божлари, йиғимлар ва солиқ бўлмаган тўловлар, маъмурий ҳамда молиявий санкциялардан тушаётган маблағларни тақсимлаш механизмини янада тартибга солиш, давлат бюджетининг даромад қисмини мустаҳкамлаш мақсадида, шунингдек Ўзбекистон Республикаси Президентининг «Ўзбекистон Республикасининг 2010 йилги асосий макроиқтисодий кўрсаткичлари ва Давлат бюджети параметрлари тўғрисида» 2009 йил 22 декабрдаги ПҚ-1245-сон қарори ижросини таъминлаш юзасидан:

1. Ўзбекистон Республикаси Президентининг айрим ҳужжатларига 2010 йилнинг 1 апрелидан бошлаб 1-иловага мувофиқ ўзгартиш ва қўшимчалар киритилсин.

2. Ўзбекистон Республикаси Президентининг баъзи қарорлари 2-иловага мувофиқ 2010 йилнинг 1 апрелидан бошлаб ўз кучини йўқотган деб ҳисоблансин.

3. Мазкур Фармоннинг ижросини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

**Ўзбекистон Республикаси
Президенти**

И. КАРИМОВ

Тошкент ш.,
2010 йил 2 апрель,
ПФ-4211-сон

Ўзбекистон Республикаси
Президентининг 2010 йил 2 апрелдаги
ПФ-4211-сон Фармонига
1-ИЛОВА

**Ўзбекистон Республикаси Президентининг баъзи
ҳужжатларига киритиладиган ўзгартиш ва қўшимчалар**

1. Ўзбекистон Республикаси Президентининг «Хорижий валютада солиқ бўлмаган давлат тўловларини олиш ва тақсимлаш тўғрисида» 1993 йил 31 июлдаги ПФ-635-сон Фармони 1-бандининг иккинчи хатбоши қуйидаги таҳрирда баён этилсин:

«қонун ҳужжатларида белгиланган ҳолларда, хорижий валютада олинган давлат божи, йиғимлар ва солиқ бўлмаган бошқа тўловларнинг бир қисми вазирликлар, давлат қўмиталари, идоралар ва хўжалик бошқаруви органлари махсус жамғармаларининг валюта ҳисобварақларига ўтказилади».

2. Ўзбекистон Республикаси Президентининг «Ўзбекистон Республикаси Адлия вазирлиги ҳузуридаги Суд департаментининг суд қарорларини ижро этиш, моддий-техника жиҳатидан ва молиявий таъминлаш тизимини янада такомиллаштириш чора-тадбирлари тўғрисида» 2007 йил 1 ноябрдаги ПҚ-722-сон қарорида:

а) 5-бандидаги «ижро йиғими маблағлари» сўзлари «ундириб олинган ижро йиғими маблағларининг 20 фоизи республика бюджети даромадига, ушбу маблағларнинг 80 фоизи эса» сўзлари билан алмаштирилсин;

б) Ижро йиғимини ундириш ва фойдаланиш тартиби тўғрисидаги низомда:

8-бандида:

биринчи хатбоши қуйидагича баён этилсин:

«Ундириб олинган пайтдан бошлаб икки банк куни мобайнида ижро йиғими маблағларининг 20 фоизи белгиланган тартибда республика бюджети даромадига, ушбу маблағларнинг 80 фоизи эса Судлар ва адлия органларини ривожлантириш жамғармаси (кейинги ўринларда — Жамғарма)га ўтказилади»;

иккинчи хатбошидаги «ҳамда қуйидаги мақсадларда ишлатилади» сўзлари чиқариб ташлансин;

қуйидаги мазмундаги учинчи хатбоши билан тўлдирилсин;

«Юқорида кўрсатилган ва белгиланган миқдорларда Жамғармага ўтказилган маблағлар қуйидаги мақсадларда ишлатилади»;

учинчи — еттинчи хатбошилар тегишли равишда тўртинчи — саккизинчи хатбошилар деб ҳисоблансин;

16-банднинг биринчи хатбошидаги «Жамғарма маблағлари ҳисобидан» сўзлари чиқариб ташлансин;

18-банднинг иккинчи хатбошидаги «амалга оширилади» сўзлари «Ўзбекистон Республикаси Молия вазирлиги ва Адлия вазирлиги томонидан белгиланадиган тартибда амалга оширилади» деб ўзгартирилсин;

21-бандидаги «маблағларидан мақсадли фойдаланишни» сўзлари «маблағлари тўғри ва ўз вақтида тақсимланишини, шунингдек улардан мақсадли фойдаланилишини» сўзлари билан алмаштирилсин.

Ўзбекистон Республикаси
Президентининг 2010 йил 2 апрелдаги
ПФ–4211-сон Фармонига
2-ИЛОВА

**Ўзбекистон Республикаси Президентининг ўз кучини
йўқотган деб ҳисобланаётган қарорлари
РЎЙХАТИ**

1. Ўзбекистон Республикаси Президентининг «2006 — 2008 йилларда давлат тасарруфидан чиқариш ва хусусийлаштириш жараёнларини чуқурлаштириш тўғрисида» 2006 йил 10 июлдаги ПҚ–407-сон қарори 6-иловасининг 4-банди.

2. Ўзбекистон Республикаси Президентининг «Ўзбекистон Республикаси Адлия вазирлиги ҳузуридаги Суд департаментининг суд қарорларини ижро этиш, моддий-техника жиҳатидан ва молиявий таъминлаш тизимини янада такомиллаштириш чора-тадбирлари тўғрисида» 2007 йил 1 ноябрдаги ПҚ–722-сон қарори 7-иловасининг 2-банди.